



Broj predmeta: 13-001861/21
Broj akta: 01.1-1413EK-0021/21
Datum, 9.11.2021.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25 Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-001861/21 od 25.10.2021. godine i Mišljenja Pravobranilaštva Brčko distrikta BiH broj: M-1242/21 od 8.11.2021. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJIH PONUĐAČA

Član 1

(1) U provedenom otvorenom postupku za nabavku noćne termovizije – binokularne sa montažom i dvogleda za potrebe Policije Brčko distrikta BiH – lotovi 1-2, izabrani su najpovoljniji ponuđači kojima se dodjeljuje ugovor.

Naziv najpovoljnijeg ponuđača za Lot 1 je „NEXIS“ d.o.o. Sarajevo.

Lot 1 - Nabavka noćne termovizije – binokularne sa montažom

Vrijednost ugovora sa uračunatim PDV-om iznosi **99.040,50 KM.**

Naziv najpovoljnijeg ponuđača za Lot 2 je „SHOT“ d.o.o. Zenica.

Lot 2 - Nabavka dvogleda

Vrijednost ugovora sa uračunatim PDV-om iznosi **19.878,30 KM.**

Član 2

Postupak je proveden na osnovu Odluke o pokretanju postupka javne nabavke broj: 14.04.1-13-1383/21 od 13.8.2021. godine, Obavještenja o nabavci na portalu javnih nabavki broj: 1157-1-1-442-3-441/21 od 25.8.2021. godine, specifikacije roba u vezi sa Tenderskom dokumentacijom broj: 13-001861/21 i ponuda najpovoljnijih ponuđača.

Član 3

Finansiranje navedene nabavke će se izvršiti za Lot 1 iz kapitalnog budžeta za 2020. godinu,

organizacioni kod 13010001, ekonomski kod 821300, naziv projekta: "Noćne termovizije", šifra projekta:10398 i za Lot 2 iz kapitalnog budžeta za 2020. godinu, organizacioni kod 13010001, ekonomski kod 821300, naziv projekta:"Dvogledi", šifra projekta:10404.

Obrazloženje

Komisija za nabavke je nakon izvršenog otvaranja ponuda konstatovala da su dostavljene četiri ponude, sljedećih ponuđača: "Mibo Komunikacije" d.o.o. Sarajevo, „Nexis“ d.o.o. Sarajevo, „Shot“ d.o.o. Zenica i „KM Trade“ d.o.o. Visoko. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim. Ponude ponuđača „Mibo Komunikacije“ d.o.o. Sarajevo i „KM Trade“ d.o.o. Visoko za Lot 1 su ocijenjene kao neprihvatljive. Komisija za ocjenu uzoraka i kontrolu kvaliteta je ocijenila da parametri i vrijednosti koje su navedene u njihovim ponudama odgovaraju traženom iz tenderske dokumentacije, ali izvršenim provjerama i usporedbom putem službenih web stranica ovlaštenih proizvođača ponuđenih roba utvrđeno je da ponuđena roba od strane ovlaštenog proizvođača ima garanciju do tri godine, a u zahtjevu je traženo da garancija bude minimalno pet godina. Ponuđena roba od strane ovlaštenog proizvođača ima faktor kakvoće tube maksimalno 1.600, a a zahtijevano je minimalno 2.000. Ponuđena roba od strane ovlaštenog proizvođača daje raspon podešavanja dioptrije od -6 do +2, a traženo je minimalno od -5 do +3. Ponuđena roba od strane ovlaštenog proizvođača daje opseg podešavanja interpupilarne udaljenosti od 56 do 72 mm, a tražena je vrijednost od 53 do 71 mm. Ponuđena roba od strane ovlaštenog proizvođača predviđa trajanje baterije od minimalno 20 sati, a traženo je da baterija traje minimalno 32 sata. Nije bilo računskih greški u dostavljenim ponudama i nisu postojali elementi za sumnju u neprirodno nisku cijenu najpovoljnije ponude ni na jednom lotu. S obzirom da su za Lot 1 bile dostavljene dvije prihvatljive ponude, zakazana je e-aukcija i došlo je do smanjenja cijena u odnosu na cijene sa otvaranja ponuda. Iznos najpovoljnije ponude za oba lota je bio u okviru procijenjene vrijednosti nabavke i Komisija za nabavke je u skladu sa kriterijem najniže cijene dostavila preporuku o izboru najpovoljnijih ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Policiji,
5. Službenom glasniku Brčko distrikta BiH»,
6. Arhivi.

